

EUSKARA. Kontseiluaren webgunean sartuz edo eskupapera betez eman ahal izango du jendeak laguntza

Euskararen Laguntzaile kanpainarekin bat egin dute hainbat gizarte eragilek

Kontseiluko kideen helburua gizartean ahalik eta parte-hartze handiena lortzea da

Ainara Arratibel | DONOSTIA

Gizarteko sektore desberdinetako hainbat pertsona ezagunek, bat egin dute euskararen normalizazioa bultzatzeko Kontseiluak duela hilabete batzuk abian jarri zuen *Bai Euskarari Laguntzailea* ekimenarekin. Babesa eman diote proiektuari: Julio Ibarra eta Mariano Ferrer kazetariak, Estitxu Fernandez telebista aurkezleak, Pello Zabala eguraldi gizonak, Joseba Apaolaza eta Angel Alkain aktoreak, Josu Bereziartua mendizaleak, Toti Martinez de Lezea idazleak, Kepa Junkera musikariak eta Oreka TX taldeko txalapartariak.

Maiatzean jarri zuen abian Euskararen Gizarte Erakundearen Kontseiluak *Bai Euskarari Laguntzailea* ekimena. Ordu arte enpresa eta erakundeetara jotzen zuen, erronkei aurre egiteko laguntza ekonomiko eta sozial bila. Ekimen berriarekin, laguntzailearen figura sortu, eta norbanakoengana iritsi nahi izan dute. «Laguntza behar dugu euskararen egoera legala hobea izan dadin, eta babes sozial zabalagoa izan dezan», azaldu zuen Kontseiluko idazkari nagusi Xabier Mendigurenek.

Etorkizunean, Kontseiluak, euskarak bizi duen egoera azaldu nahi du nazioarte mailan, eta jasan ditzakeen erasoei «duintasunez eta irmotasunez» erantzun. Halaber, erabakigune ins-



IMANOL OTEGI/ARGAZKI PRESS

Gizarteko sektore desberdinetako pertsonak bat egin dute Bai Euskarari Laguntzailea ekimenarekin.

tituzional eta polikoetan euskarak gero eta garrantzi handiagoa har dezan lan egiten ari dira Kontseiluko ordezkariak.

Atzokokoan ekimenari babesa eman zioten pertsonak gizarteko sektore desberdinetakoak izatea azpimarratu nahi izan zuen Xabier Mendigurenek: «Horrek argi erakusten du gizarteko sektore guztiek bultzatzen eta laguntzen dutela euskara».

Kontseiluaren lan «azpimarragarria»

Bai Euskarari Laguntzailea ekimenarekin bat egin zuten gizarte arloko ordezkariak, Kontseilua euskararen normalizazioari begira egiten ari den lana azpimarratu zuten. «Urrats garrantzitsuak egin ditu Kontseiluak normalizazioaren aldeko jarrera zabal eta anitza izateko», adierazi zuen atzoko prentsurrekoan Estitxu Fernandez tele-

bista aurkezleak. Herritarrei gonbita egin nahi izan zien, ekimenarekin bat egin zuten gaitz nontzeko lagunen izenean, *Bai Euskarari Laguntzailea* izateko. Izan ere, beraien aburuz, proiektu horren bidez euskararen normalizazioa sustatzeko egiten diren ekintzei bultzada «garrantzitsua» ematen zaie.

Bai Euskarari Laguntzailea izateko bi aukera eskaintzen dira: Kontseiluaren webgunera jo

ESANAK

XABIER MENDIGUREN

(Kontseiluko idazkari nagusia)

«Laguntza behar dugu, euskararen egoera legala hobea izan dadin eta babes sozial handiagoa izan dezan»

ESTITXU FERNANDEZ

(Telebista aurkezlea)

«Urrats garrantzitsuak egin ditu Kontseiluak normalizazioaren aldeko jarrera zabal eta anitza izateko»

MAIDER ETXANIZ

(Ekimenaren antolatzailea)

«Norberaren nahiaren eta ahalmenaren arabera, diru gehiago edo gutxiago jartzeko aukera egongo da»

(www.kontseilua.org) edo banatuko diren eskupaperak bete. Eskupaperean eta webgunean azaltzen den formularioan, kopuru batzuk zehazten dira. Hala ere, ekimenaren bultzatzaile Maider Etxanizek azaldu zenez, «norberaren nahiaren eta ahalmenaren arabera, diru gehiago eta gutxiago jartzeko aukera egongo da».

Nahiz eta *Bai Euskarari Laguntzailea* ekimenak helburu ekonomikoa izan, Mendigurenek azpimarratu zuen, garrantzitsuen ez dela «lortzen den dirua», baizik eta ahalik eta partaidetza handiena lortzea: «Gutxi askok handi bat egiten dute».

IRAKASKUNTZA. Kalitatean eragitea du helburu

Unibertsitateaz kanpoko EAEko lan hitzarmena sinatu dute ELA, LAB eta EILASEk

Gotzon Hermosilla | BILBO

Anjeles Iztueta EAEko Hezkuntza sailburuak eta ELA, LAB eta EILAS sindikatuetaordezkariak hitzarmena sinatu zuten atzo, unibertsitateaz kanpoko EAEko irakasle funtzionarioen lan baldintzak arautzeko. Hau da arlo honetan 1998tik sinatzen den lehenengo hitzarmena, eta, hori dela eta, pozik agertu ziren sailburua zein sindikatuetaordezkariak.

Iztuetak esan zenez, hitzar-

menak irakaskuntzaren kalitatean eragingo du. Berbarako, irakasleen egonkortasuna bermatuko du, alde batetik, egonkor estatusa duten irakasleen kopurua igotzen delako (926tik 1.500era) eta, beste aldetik, 1.500 lanpostutarako deialdia egingo delako. Horietarako azterketak datorren urteko uztailean egingo dira. Urte sabatikoak, irakasleen prestakuntza eta laneko arriskuak aurreikusteko zerbitzua ere jasotzen dira hitzarmen honetan.



MARISOL RAMIREZ / ARGAZKI PRESS

Sindikatuetaordezkariak hitzarmena sinatzen Anjeles Iztueta Jaurilaritzako Hezkuntza sailburuarekin.